

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ք. Իջևան
2019 թ.

22 փետրվարի

ՀՀ Տավուշի մարզպետարանը (այսուհետ՝ Մարզպետարան)՝ ի դեմս մարզպետ Հայկ Չոբանյանի, Երևանի Պետական Համալսարանի Իջևանի մասնաճյուղը (այսուհետ՝ Համալսարան)՝ ի դեմս տնօրեն՝ Արտակ Յուզույանի և «Գյումրիի Տեղեկատվական Տեխնոլոգիաների Կենտրոն» գիտակրթական հիմնադրամը (այսուհետ՝ Կենտրոն)՝ ի դեմս գործադիր տնօրեն Ամալյա Եղոյանի (բոլորը միասին այսուհետ՝ «Կողմեր»), հաշվի առնելով ՀՀ Տավուշի մարզում բարձր տեխնոլոգիաների ոլորտի զարգացման նպատակով միմյանց հետ համագործակցելու պատրաստակամությունը և կարևորելով Կողմերի համագործակցության պաշտոնական ամրագրման անհրաժեշտությունը, կնքեցին սույն հուշագիրը (այսուհետ՝ Հուշագիր)՝ հետևյալի մասին.

1. ՀԱՄԱՁԱՅՆԱԳՐԻ ԱՌԱՐԿԱՆ

1. Կողմերը համաձայնության են գալիս համատեղ գործունեության շրջանակներում միավորել իրենց ջանքերը՝ նպաստելու Հայաստանի Հանրապետության Տավուշի մարզում տեղեկատվական և հաղորդակցական տեխնոլոգիաների ոլորտի զարգացման գործընթացին:

1.1 Կողմերը համաձայնվում են՝ համատեղ իրականացնել հետևյալ ծրագրերը.

1.1.1 տեղեկատվական տեխնոլոգիաների (այսուհետ՝ ՏՏ) ոլորտի մասնագիտական դասընթացների անցկացում,

1.1.2. ՀՀ Տավուշի մարզի երիտասարդներին, դպրոցների աշակերտներին մասնագիտական կողմնորոշման հարցում աջակցության ցուցաբերում, այդ թվում՝ բաց դասերի, դասախոսությունների և սեմինարների կազմակերպման միջոցով,

1.1.3. Իջևան քաղաքում տեխնոլոգիական ուղղվածությամբ միջոցառումների կազմակերպում,

1.1.4. «Ինֆորմատիկա» առարկան դասավանդող ուսուցիչների մասնագիտական վերապատրաստում,

1.1.5. տեղեկատվական և հաղորդակցական տեխնոլոգիաների ոլորտում սկսնակ ձեռներեցներին աջակցության ցուցաբերում, սկսնակ բիզնեսի զարգացմանն ուղղված ռազմավարության մշակում,

1.1.6. համագործակցություն ՀՀ Տավուշի մարզի տեղեկատվական և հաղորդակցական տեխնոլոգիաների ոլորտի ընկերությունների և կենտրոնների հետ, այդ թվում՝ կադրերի համալրման գործում աջակցության միջոցով:

- 1.2 Կողմերի համատեղ գործունեությունը հիմնված է օրինականության, իրավահավասարության, կամավորության և հրապարակայնության սկզբունքների վրա:
- 1.3 Համագործակցության ծրագրերն իրագործելի են միայն Կողմերի կողմից դրանց գործողության ժամկետներն ու փուլերը հաստատելուց հետո:
- 1.4 Սույն Հուշագրի իրականացման շրջանակներում Կողմերից յուրաքանչյուրն իրավունք ունի ծանոթանալու համատեղ գործունեության իրականացման հետ կապված ողջ տեղեկատվությանը և փաստաթղթերին:

2. ՀԱՄԱՁԱՅՆԱԳՐԻ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

- 2.1 Հուշագրից բխող՝ Կողմերի համատեղ գործունեության նպատակներն են՝
- 2.1.1 նպաստել ՀՀ Տավուշի մարզում ՏՏ ոլորտի զարգացմանը, աջակցել ոլորտում աշխատող երիտասարդների գործունեության արդյունավետության բարձրացմանը,
- 2.1.2. նպաստել ՀՀ Տավուշի մարզում գործող կրթօջախների, հանրային կազմակերպությունների միջև ՏՏ ոլորտում համագործակցության ապահովմանը,
- 2.1.3. իրականացնել Կողմերի աշխատակիցների և անդամների իրավունքների ու օրինական շահերի պաշտպանություն,
- 2.1.4. նպաստել մարզի ազգաբնակչության տարբեր շերտերի՝ ՏՏ ոլորտի գիտելիքների և կարողությունների զարգացմանը:
- 2.2 Հուշագրից բխող՝ Կողմերի համատեղ գործունեության խնդիրներն են՝
- 2.2.1. համագործակցել այլ կազմակերպությունների, պետական և տեղական ինքնակառավարման մարմինների հետ՝ կրթական համակարգի զարգացման ուղղությամբ,
- 2.2.2. օժանդակել ուսումնառության գործընթացի արդյունավետ կազմակերպմանը,
- 2.2.3. միջոցներ ձեռնարկել ՀՀ Տավուշի մարզում ժամանակակից կրթական տեխնոլոգիաների կիրառման ուղղությամբ,
- 2.2.4. նպաստել հասարակության ՏՏ ոլորտի իրազեկության մակարդակի բարձրացմանը,
- 2.2.5. կազմակերպել վերապատրաստումներ, դասընթացներ, գիտաժողովներ, սեմինարներ, մրցույթներ և այլ միջոցառումներ,
- 2.2.6. միջոցներ ձեռնարկել ՀՀ Տավուշի մարզում տեղեկատվական տեխնոլոգիաների կենտրոնների կայացման, ինչպես նաև ոլորտի կազմակերպությունների ցանցի ընդլայնման ուղղությամբ,
- 2.2.7. իրականացնել ՀՀ օրենսդրությամբ չարգելված այլ գործունեություն:

3. ԿՈՂՄԵՐԻ ՆԵՐԴՐՈՒՄՆԵՐԸ ԵՎ ՖԻՆԱՆՍԱՎՈՐՄԱՆ ԱՂԲՅՈՒՐՆԵՐԸ

- 3.1 Հուշագրի հիման վրա համատեղ գործունեության ընթացքում որպես Կողմերի ներդրումներ կարող են լինել՝
- 3.1.1 նյութատեխնիկական ռեսուրսները, այդ թվում՝ համակարգչային սարքավորումներ, գրադարանային ռեսուրսներ, տեղեկատվական համակարգեր և ցանցեր, տրանսպորտային միջոցներ, այլ շարժական և անշարժ գույք,
- 3.1.2. Ուսումնամեթոդական նյութերը, կրթական գործընթացի ժամանակ ինտելեկտուալ գործունեության արդյունքները և Կողմերի բացառիկ իրավունքները դրանց նկատմամբ, կրթական տեխնոլոգիաները,
- 3.1.3. Կողմերի անդամների, ուսանողների, աշխատակիցների մասնագիտական գիտելիքները, կարողությունները և հմտությունները՝ ուղղված համատեղ ծրագրերի, նախագծերի, այլ միջոցառումների իրականացմանը,
- 3.1.4. Կողմերի գործնական կապերը, կրթական, գիտական և նորարարական գործունեության փորձը,
- 3.2 Հուշագրի շրջանակներում Կողմերի համատեղ գործունեության ֆինանսավորման աղբյուրներն են.
- 3.2.1 մասնակիցների բյուջետային և արտաբյուջետային միջոցները,
- 3.2.2 միջազգային կազմակերպությունների կողմից տրամադրվող դրամաշնորհային միջոցները,
- 3.2.3 բարեգործական ներդրումները,
- 3.2.4 կրթության դիմաց ստացված միջոցները (Կողմերի սահմանած պայմաններով),
- 3.2.5 ՀՀ օրենսդրությամբ չարգելված այլ աղբյուրներից ստացված միջոցները:

4 ԿՈՂՄԵՐԻ ՀԱՄԱՏԵՂ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

4. Հուշագրի Կողմերի համատեղ գործունեության ղեկավարումն իրականացնում են Կողմեր հանդիսացող կազմակերպությունների ղեկավարները կամ նրանց կողմից նշանակված լիազոր ներկայացուցիչները:
- 4.1 Կողմերի կողմից համատեղ կազմված աշխատանքային խումբը՝
- 4.1.1 սույն Հուշագրի շրջանակներում քննարկում է Կողմերի գործունեության կազմակերպմանն առնչվող հարցեր,
- 4.1.2 հաստատում է Կողմերի համատեղ գործունեության կարճաժամկետ, միջնաժամկետ և երկարաժամկետ ծրագրերը,
- 4.1.3 լսում է համատեղ ծրագրերի, մշակումների, հետազոտությունների, այլ միջոցառումների վերաբերյալ այնպիսի առաջարկություններ և քննարկում նախագծեր, որոնցով հետաքրքրված են Կողմերը,
- 4.1.4. առաջարկում է դրանք իրականացնել Կողմերին՝ առանձին կնքվող պայմանագրերի հիման վրա, լսում է դրանց կատարման վերաբերյալ հաշվետվություններ:

5 ԿՈՂՄԵՐԻ ՀԻՄՆԱԿԱՆ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

5.1 Կողմերի համատեղ նախագծերի ծրագրերի մշակման և իրականացման, ինչպես նաև դրա ղեկավարման գործում Կողմերն ունեն հավասար իրավունքներ:

5.2 Առանձին գործողությունների համար պատասխանատու է Կողմ հանդիսացող կազմակերպությունը:

5.3 Կողմերը կոնկրետ ծրագրեր իրականացնելիս՝ առանձին պայմանագրում նախատեսում են նաև Կողմերի հիմնական իրավունքներն ու պարտականությունները:

6 ՎԵՃԵՐԻ ԼՈՒԾՄԱՆ ԿԱՐԳԸ

6. Այն բոլոր վեճերն ու տարաձայնությունները, որոնք կարող են բխել սույն Հուշագրից կամ կապված լինել դրա հետ, կորոշվեն Կողմերի միջև բանակցությունների միջոցով: Եթե Կողմերը չեն կարողանում գալ ընդհանուր համաձայնության, ապա վեճերն ու տարաձայնությունները ենթակա են լուծման ՀՀ օրենսդրությամբ սահմանված կարգով:

7 ԱՅԼ ՊԱՅՄԱՆՆԵՐ

7.1 Սույն Հուշագրի բոլոր լրացումներն ու փոփոխությունները Կողմերի փոխադարձ համաձայնությամբ կատարվում են գրավոր, ստորագրվում են Կողմերի կողմից և կազմում են սույն Հուշագրի անբաժանելի մասը:

7.2 Սույն Հուշագիրն ուժի մեջ է մտնում Կողմերի կողմից ստորագրման պահից և գործում է անժամկետ:

7.3 Սույն Հուշագիրը կնքված է հայերեն լեզվով՝ երեք օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է մեկական օրինակ:

8 ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ



**ՀՀ Տավուշի մարզպետարան
Մարզպետ՝
Հայկ Չոբանյան**

/Ստորագրություն/

Կ"տ"



**Երևանի Պետական
Համալսարանի Իջևանի
մասնաճյուղ
Տնօրեն՝
Արտակ Յուզույան**

/Ստորագրություն/

Կ.տ.



**«Գյումրիի Տեղեկատվական
Տեխնոլոգիաների Կենտրոն» ԳԿՀ
Գործադիր տնօրեն՝
Ամայա Եղոյան**

/Ստորագրություն/

Կ.տ.